

Pro 6 / Kontra 0

Voorzitter

Griffier

## Moshon

Griffie ER Bonaire	
Ingek.:	OCT 08 2020
Volgnummer:	202.0003676
Griffier:	Uitv.:

Konseho Insular di entidat públiko Boneiru, den su reunióon general di día 29 di sèptèmber 2020, den sala di reunióon di Passangrahan;

Ta presenta via konsehál Norbert F. Silberie, e siguiente moshon, titula:  
**Maneho di privilegio pa stimulá invershon i konstrukshon.**

### Introdukshon:

No opstante medidanan di prekoushon tuma dor di entidat públiko Boneiru, e viro konosí komo COVID-19, a hasi su entrada aki na Boneiru i a tuma forman ku ta urgi un i tur pa kuida kurpa i práktika tur instrukshon al respekto. E medidanan tuma dor di Boneiru i tambe na otro isla i paisnan, banda di ta nesesario, tin tambe un efekto fuerte i ku tendensia devastador pa nos Ekonomia. Partikularmente nos industria mayo ku ta e industria turístiko, a risibí hopi sla.

E efektonan fuerte ku tendensia devastador aki, riba termino kòrtiku, lo bira visibel pa un i tur. Kaida di entrada pa kompanianan privá i konsekuentemente perdida di empleo pa mama i tatanan di famia, ta loke nos por spera i ta loke nos mester ta prepara pe den tur sentido di palabra. Gobièrnu lokal huntu ku gobièrnu Hulandes a krea fondonan pa por yuda minimalisá e efektonan aki. E enfoke sinembargo ta riba e palabra minimalisá. Esaki ke men suavisá e doló i no impedí pa e doló bira realidat.

Grandinan ta bisa, guera avisá no ta mata sòldá. Nos komo gobièrnu i komo pueblo, mester konsiderá nos mes komo avisa. Komo pueblo nos ta avisa di loke nos por spera, i nos mester prepara nos mes mentalmente pa huntu nos sali mihó for di e situashon pekuiliar aki. Komo gobièrnu nos mester hasi un esfuerso relámpago pa krea maneho di privilegio ora ta trata invershon den áreanan di atenshon pa nos isla.

E pensamentu aki, basa riba e realidat ku nos ta bibando, ta trese mi na e siguiente pasonan;

### Konsiderashon:

- Konsiderando ku Boneiru, meskos ku un mayoria di isla i paisnan rònt mundu, a wòrdu afektá severamente dor di COVID-19;
- ku e sektornan ku a risibí mas daño, ta e sektor turístiko i tur ku ta direktamente of indirektamente dependiente di e sektor aki;
- ku komo pueblo nos mester prepara nos mes pa ta mentalmente fuerte i determina pa nos sali mas uni i mas fuerte for di e situashon aki;

- ku komo gobièrnu, nos mester tuma tur medida legalmente posibel, pa krea prosesonan adapta pa lanta e grado di efisiensia i stimulá mas invershon kaminda esaki ta nesesario;
- ku nos komo representante di pueblo tin e tarea pa yuda mitiga efektonan ku por stroba siudadanonan pa logra éksito den bida i konsekuentemente, agota tur posibilidat di yuda ku idea i desishon.


**Desishon:**

Ta disidí;

1. pa urgi kolegio ehekutivo, pa introdusí ofisialmente un kuadro di **maneho di privilegio** (Red Carpet), ku mester stimulá invershon den area di konstrukshon doméstiko i konstrukshon komersial, pa kompania i personanan lokal;
2. pa promové e manejo di privilegio aki via di tur medio di komunikashon lokal;
3. pa inisiá un programa di mensahenan di **Forsa, Motivashon i Perseveransia** pa yuda ku fortifikashon mental di nos pueblo;


**i ta pasa pa òrdu di día.**

**Firmante:**




---

**Sr. Norbert F. Silberie**  
Frakshon UPB




---

**Drs. Esther J. Bernabela**  
Frakshon UPB